

452 Er sprach: »ist gotes kraft sô fier,
 daz si beidiu ors unde tier
 unt die liute mac wîsen,
 sîne kraft wil ich im prîsen.
 5 mac gotes kunst die helfe hân,
 diu wîse mir diz kastelân
 daz wægest umbe die reise mîn.
 sô tuot sîn gûete helfe schîn.
 nû genc nâch der gotes kûr.«
 10 den zûgel gein den ôren vûr
 er dem orse legete.
 mit den sporn erz vaste regete.
 gein Fontane lasalvatsche ez gienc,
 dâ Orilus den eit enpfîenc.
 15 der kiusche Trevrizent dâ saz,
 der manegen mântac übel geaz,
 als tet er gar die wochen.
 er het gar versprochen
 Môraz, wîn unt ouchz brôt.
 20 sîn kiusche im dannoch mêr gebôt:
 der spîse het er decheinen muot,
 vische noch vleisch, swaz trûeige bluot.
 sus stuont sîn heileclîchez leben.
 got het im den muot gegeben:
 25 der hêrre sich bereite gar
 gein der himelischen schar.
 mit vaste er grôzen kumber leit.
 sîn kiusche gein dem tievel streit.
 an dem ervert nû Parzival
 30 diu verholniu mære umben Grâl.

helfe gûete (gûten U) *T

Dô ergiengez (Nû erginc iz U NV [*]: gang V) n. *T

ouchz om. *T

sîn k. mêr d. (kusche im dan mer U) g.: *T (ohne V)

vasten *G (*T)

*D: D Fr5 *m: m *G: G I O L Z *T: T U V

1 Initiale D Fr5 G I O L Z 9 Initiale T U V 19 Majuskel D

4 im] om. Fr5 L 5 kunst] gunst *m 6 diz] daz Fr5 13 ez] en Fr5 18 gar] [gar vnt]: gar D 22 Vische fleisch noch (vnd I) swas treit blût Fr5 (I) · vleisch noch visch, waz trûeige bluot (bût m). *m 23 Sus herticliche stlnt sin lebin Fr5 24 den] dein Fr5 27 vaste] vasten *m 28 streit] reit *m 29 an] Ab Fr5 30 diu verholniu] Daz verholne Fr5